

茗

齋

集

卷一

卷二

卷三

卷四

南行集七言古詩

淮南彭孫貽昇仁著

水上聞洞簫作

清秋朔吹波面生獨客舟中無限情忽聞水上洞簫聲縱不孤
眠夢不成況經千里關山道聽盡砧聲與雁聲竊心入夜偏易
感猶幸今宵非月明簫聲忽斷愁還續山童屢喚屏風燭燈昏
月黑水邊樓有人腸斷闌干曲

牛車行

江南歲晚漕每困旗丁虐唱籌同虢虎萌者恣吞攫吳地稻梁
賤如土剋肉量沙泣田戶秋穰時欲參堯舜珠玉常教著風雨

通津偶抵泊附載問漕舟水行陸軌既已困更復重雇煩車牛
泥行淖止轍銜尾室路中宵不得休河隄司空効遲玩大農使
者嗔泥爛片帑驚飛騶卒未子錢典盡難盈買安得河成鄭國
渠京坻步擔罷牛車

潞河舟中遣懷

舟停不行客無那當書攤衣舫樓卧霜花霜葉歷亂飛家見野
見無一箇舟師殺將盡著毛戎褐懸鵲纔補破幽并漠、驗氣
寒箕尾搖、識風大攪眠蒼鼠叩壁鳴跋網白魚跳舫過呼童
滌所汲瓦甌背壁痴吟起枯坐吳歛歌出僮不知紅和飽食何
所作

陸大慶士寄示代北客嘲南歌及嘲寄陸

王西樵作嘲北客歌久傳都下近時內丘喬文衣作嘲
南以敵之一時並傳佳話余在京邸有長安十二詠以
西樵餘意也錄之別本不敢示人陸生所作則文衣之
餘也南士嘲南無乃為倭更作反嘲以解之

吳儂嘲燕人批竅已濡血苟遇荆卿葦拔刃必指髮北僞嘲南
士吳楚連閩粵未能令士衡絕倒笑顛蹶王郎作惡謔是奇皆
娘空倩喬知之寧從苦筍酪奴飲不羨羊羔美酒卮陸生流寓
鳴珂里南士嘲南胡為爾宜令革響盡懷樵反似踰淮身化枳
我踏鳳城車馬塵爬搔壁蟲緣裾中若熏煤竈烟一色蘼雜蒜

畦氣五辛題成品物藏夾袋未出都門不示人君今自嘲衆無
忤我更嘲君心獨苦公乃為詩敢請公能令公喜令公怒安得
楊雄作解嘲南北相看各起舞

河西夜行歌

十里九息天已昏舟行艱阻涉孟門漁燈閃屍何處岸犬吠呀
咋誰家邨迴橈撥挾轉無力沙霧汀花黯難極船舷戛戛星倒
垂帆檣茫三月歌側滄子悲歌涕沾臆高堂歲晚低顏色白河
到海元氣收中條入雲太行直來瀉去崖繁如織一字不寄歸
飛翼江南江北應斷腸莫倚烟波望京國

泊磚廠晨起作

南歸行棹東復西百里洄泊仍難栖
烏啼日落行不急苦霧暝
辛吹蒜泥維稍磚厰認枯枝
返照天作青玻璃獨遊長安成獨
笑富貴何求恣登眺錦繡神仙過
犢車帝王宮闕開晴照掃門
丞相僕未能脫粟故人喜同調
金臺西風打黃葉疲羸出門驕
蹀躞一命無煩河北書半囊
自有河東篋長溝直下路更長
羊裘尸衾避曉霜請看四十八
牀水誰禁彭生還故鄉

望桃花口醉吟

王家務南不繫舟老米店前順水流
決河勢挾神恠入分野衆
變邊徒愁防秋老將玉門泣健兒盡畏西風急
騎驟野客歸釣
魚晴天雨天一雙笠歸航尚滯直沽東
白河水與渾河通不少

參貂過開鐵時見榆肉來空同客遊雖樂休作客小婦紅顏母
頭白津亭風霰阻青齊夜闌欲曙聞鳥啼長宵嘖數錢鼠露
樓閣愁風難人生焉可長馬蹄悵望昂畢迷東西

風泊

通津水曲如環缺未至張灣先白折鷁首遙瞻滌陰樹櫓背猶
栖蒨門雪迴颿轉柁捷有神激水盤渦勢相蓄舟停不行風不
高東歸客子心斷絕

天津遇子政素師舟戲占

灣頭送君舟已發烟樹停橈悵悵秋月舟經津口識君舟相望遙
呼打梢櫂蒼頭走訊嗟滯留却羨孤帆忽超越人生去住本飄

蓬流水何心西復東不如三十六鱗鯉河水沿流又江水不如
一雙比翼鴻朝乘西風暮朔風君今盤桓戀海錯此地魚蝦勝
雞臠雪蛤風蠅曝若陵雙黃鮓白脂流鑊君今不歸留亦得
飽殺吳鰻老脣鰐我下中條更待君千檣百里望屯雲總然連
夜棹歌去款乃聲中定得聞

夜泊楊柳青歌

楊柳青西暮色昏不知舟泊誰邊邨搖搖巷火沸夜市香船
燈移水門曉風殘月上溪口不見垂楊與垂柳攀條應已盡分
人飛絮何因復見春金穗倒拖寒食路綠裯低拂落花塵難尋
細葉穿魚好正認枯樁繫馬頻楊柳青未歸去楊柳青稀秋

盡處楊村北望幾郵亭冷落無過楊柳青
纔見柳枝心已繫楊柳青時不可停

象雞行流河驛逢安南貢使作

母象乳雞時一孕數十年視雞成大畜壯歲必羣顛由來巨獸
生荒外南蠻賄象窮狡獪齎糧百輩入窮山構巢高樹防戕害
林中鑿阱深若池覆以浮土空下支象行入穿騰莫起穿傍守
伺令飢羸象解人言漸裨耳日伺之食馴且隨以土實阱象乃
出教之騎戰威蠻夷交人久已就戎索載雞入貢未羸莫聯舟
浮渡踰衛河却畏香象朝羣閭銀牙未長素羣子衆具體小已魚
羣牛蕩舟或恐奔慄尾馬驚溺作蓮花渡峯毛老番坐鷁首猶

煩貢侯郵符走上林請益大官多監司月奉新裁久

中條山歌

中條山雲如擁絮下有陽城隱居處白雲飛盡出中條始識滄
州從此去白衣昔時隱此山惟與白雲為往還姓名不落長安
市幽栖豈顧時人顏不逢衣紫山人薦終老中條終日閑一朝
白衣作諫議中條山空雲不異閉門痛飲丹地傍不論璫朝
廷事諱臣論就若無聞昔日友人咸引避紫宸列仗拜南衙宣
公且蒙嚴譴加中條白衣起伏闕泣血咸英裂白麻直臣聲震
善類免青令國是清讒邪滄州吹片帆飛傍中條樹中條無古
今白雲只如故中條白雲山色新中條白衣無昔人白雲長在

白衣去千古陽城一隱淪

夜漏沉：曲

夜漏沉、聲陸續良夜何長晝何促人生不得少須臾葉上露
晞風動燭暫遊千里別經時紅顏幾何白頭速神仙黃土兩茫茫
茫今古河山一轉矚遠遊不歸宮不休有酒不歡愁不足勸君
莫聽五更鐘日出人間尤錄：

七字堰

剪刀也南撥棹過一里數泊行蹉跎兩形只辨雙尾鯉丁字不
記三汊河泊頭已近甘陵道舟子多誇買魚好喧呼舳尾皆小
兒沿泊邨庄惟買棗附舟野老非買人每一停舟必問津時登

戰地乎今古四顧山川岸角中雄心不熟遊履冷卧骸自煮松
蘿春何心尋五岳嚴霜草蕭索向客借羊裘殊堪傲狐貉河盤
水曲尾似鉤半彎昆腳與省頭長年三老笑指顧豈獨巴江學
字流

夜過笛兒屯

四女寺低月色昏大風吹斷笛兒屯小魚跳浪大魚立白水俱
作渾河渾皇天似怒魑魅匿海宇欲掃烟塵奔遙聞邾許助酸
楚却疑呼笛何處邨晚來風息舟相喚曳纜前行霜激腕人影
林影夾水流月光倒垂星斗亂來舟客子相抵調傳言累月黃
河斷清淺前淤董溝口卷埽新築黃嘴岫去年河口決安東

風雷水恠朝河宗牛身人面髮蓬首後擁驚濤西白龍魚山魚
驚人百萬至今淮海無東封安危當國大臣在野老私語徒喁
喁月中鼓杵還失咲毛張擁絮何龍鍾

武城歌

武城之南昔古城此中乃有絃歌聲今之武城非疇昔猶是武
城昔日名絃歌廢臺惟鳥哢滄臺荒宅比皆驢耕空將私淑諸
人意感激河山萬古情世無仲尼誰北向東游洙泗孤平生武
城今日臨官道濁河三面環空僅停舟振屨入城闌惟見牛衣
遮櫪阜南方學者首言游類宮尸祝皆同傳七十二子咸肖像
一一廟貌尼山陬形骸土木麟鳳質皆可將相為王侯低回留

之未能去其奈五兩催歸舟

月離于畢歌

夜過夾馬營星稀何處。明月近天街清光照東壁屈指瞻暉
過畢眾陰雨西風當浙瀝冬寒那得見滂沱妄臆天官疑未析
夜分蓬底颯有聲客心孤夢迴三更燈殘半滅半明火窗作風
爲風鐸鳴乃知畢雨箕風好不異詩懷及酒情蓬窗對雨讀家
語門人持盞今宜許月離于畢昨宵看相對龍頭若砧杵

舟行夜入臨清城

清淵城開月光霽舟人夜行困相詈霜高被冷客已眠更著羊
裘坐披氈清淵空城同野郊寒風兩岸吹白茆夜分遠雞近雞

唱知泊新城第二坊南行四十有一間一水高聲怒號剛來
此間苦淹滯喜見日出紅林梢漁人撒網臨墟莽往來
魚網漁人見慣總不驚手擲枯顱付魚噉可憐南北幾戰爭英
雄白骨驢騾顛江山盡入縣徒王灰烟已沒忠良黨破帆漏月
見星光傍見太階平西近聞萬乘出行遄高陽兔鹿行比有
少年天子能射獵一箭正墜孤飛禽大臣從駕虛珥筆武功無
事銘燕然王門西望八千里枕戈老將愁烽烟

光岳樓歌

光岳樓高逼太清聊城四望神州橫東觀滄海見日出蓬萊化
作金銀城島上有道士手把芙蓉摘石英身騎雪色千歲鹿遙

望識是安期生招我乘風駕黃鶴泥滓未能毛骨輕遺我紫砂
未肯服紅塵滾、歲幾更太白但依羅魄嶠白雲紅雲須更改
其下青齊虎嘯場英雄百輩相屠醢聖賢螻螻共古丘只今惟
有河山在汲水濟水清水流黃河一條走大海魯見媧家鑪火
消更憐瘦馬形神猥人生齷齪死牖間醢葬夏蟲不我待風波車
馬同白頭造物小兒長見給扁舟過此浪拍天三日悶坐拖蓬
船登樓一豁萬古眼坐着九點浮青烟仲連先生惜已歿無人
同立斯樓巔

沙河東望吟

東行千里無一山日、挨砵沙淦間羊腸語屈帆上峽鼠穴峙